

甘右

初诊四月八日，阳明病，十四日不大便，阙上痛，谵语，手足濈然汗出，脉滑大，宜大承气汤。

生川军五钱(后人) 枳实四钱 川朴钱半
芒硝三钱(冲服)

二诊四月九日，下经三次，黑而燥，谵语如故，脉大肝出，前方加石膏、知母。

石膏一两 知母五钱

加入前方中。

三诊四月十日，二次大下，热势渐平，惟下后津液大伤，应用白虎加人参汤，无如病家贫苦，姑从生津着意。

生石膏五钱 知母三钱 生甘草二钱
天花粉一两 北沙参一两 元参三钱
梗米一撮(先煎)

拙巢注：此证当二次下后，脉仍洪大，舌干不润，竟以津液枯竭而死，可悲也。

陈右 住九亩地，年二十九岁

初诊四月十七日，十八日不大便，腹胀痛，脉洪大，右足屈而不伸，壮热，证属阳明，予调胃承气汤。

生川军三钱 生甘草钱半 芒硝二钱

二诊四月十八日，昨进调胃承气汤，下经四次，阳明之热上冲脑部，遂出鼻衄，渴饮，脉仍洪数，法当清热。

鲜芦根一两 天花粉一两 地骨皮三钱
鲜生地六钱 生石膏五钱 肥知母三钱
玉竹三钱 生甘草二钱 元参三钱

拙巢注：此证卒以不起，大约以下后脉大，阳气外张，与前所治之甘姓相似，盖阴从下竭，阳从上脱，未有不死者也。